



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### მაჩაბელი დავით ბარძიშის ძე

მაჩაბელი დავით ბარძიშის ძე (1814, სოფ. თამარაშენი, ახლანდ. გორის მუნიციპალიტეტი, – 1873, იქვე), მომღერალი, მსახიობი, პოეტი. სწავლობდა თბილ. კლასიკურ გიმნაზიაში, მეგობრობდა ნ. ბარათაშვილთან და მ. თუმანიშვილთან. იყო ერთ-ერთი ინიციატორი ხელნაწერ ჟურნ. „თბილისის გიმნაზიის ყვავილისა“ და ხელნაწერი ანთოლოგიის გამოცემისა. დაუახლოვდა ქართვ. თავად-აზნაურთა 1832 შეთქმულების მონაწილეებს, რთა სულისკვეთება გამოხატა ალეგორიული შინაარსის თავის პირველ გამოქვეყნებულ ლექსში „თოვლი“ („სალიტერატურონი ნაწილნი ტფილისის უწყებათანი“, 1832). გიმნაზიის დამთავრების შემდეგ (1835) მოხელედ დაიწყო მუშაობა თბილ. მთ. სამმართველოში, შემდეგ სამხ. სამსახურში იყო. 1839-იდან სიცოცხლის ბოლომდე ცხოვრობდა თამარაშენში. აქტიურად თანამშრომლობდა ჟურნ. „ცისკართან“. მის პოეზიაში ძირითადია პატრიოტული („ქართლოს“, ისტ. პოემა „მთიული“) და სატრფიალო („ვარდი“, „ლოცვა ტრფიალისა“, „ჩემს მინერვას“) მოტივები; მ-მა ამაგი დასდო ქართ. მუს. შემოქმედების შესწავლას. წერილში „ქართველთა ზნეობანი, გალობა“ („ცისკარი“, 1864, №5) განიხილა ქართ. გალობის ფუძემდებლური საკითხები, გალობის ექვსხმიანობის საკითხი, მრავალხმიანი გუნდის შემადგენელი ხმები, მათი ფუნქციები და როლი საგალობლის განვითარებაში.

ლიტ.: ა ლ ა ნ ი ა ნ., დავით მაჩაბელი, წგ.: ქართული ლიტერატურის ისტორია, [ტ.] 3, თბ., 1969; ბ ა ხ ტ ა ძ ე ი., დ. მაჩაბლის მუსიკალური ესთეტიკა, „საბჭოთა ხელოვნება“, 1978, №3; კ ო ბ ა ლ ა ძ ე მ., დავით მაჩაბლის ენის დახასიათებისათვის, „თბილისის სახელმწიფო უნივერსიტეტის შრომები“, 1989, ტ. 293; მ ა ხ ა რ ა ძ ე ა., ქართული რომანტიზმი, თბ., 1960; ნ ა ნ ი ტ ა შ ვ ი ლ ი ლ., ჟურნალ „ცისკარის“ პოეტები, თბ., 1967; ლ ა ლ ა ნ ი ძ ე მ., ჩუმი პოეტი წგ.: ძველი და ახალი საქართველოს მიჯნაზე, თბ., 2010; ჯ ა ვ ა ხ ი შ ვ ი ლ ი ივ., ქართული მუსიკის ისტორიის ძირითადი საკითხები,

თბ., 1938.

**ს. შერეველი**

---